

आकाशवाणी

पैहले खास-खास खबरां:-

1. संसद दे दौनें सदनें च केन्द्रीय बजट 2026-27 पर अज्ज बी चर्चा होग।
2. लोकसभा स्पीकर ओम बिरला हो'रें नैतिक आधार पर एह फैसला लैता जे ओह विपक्ष आस्सेया उन्दे खिलाफ आने गेदे अविश्वास प्रस्ताव पर फैसला होने तगर सदन दी कारवाई च शामिल नैई होगन।
3. सरकारै आखेया ऐ जे ओह उ'नें मुख्यें थमां कच्चे तेल दा आयात जारी रक्खोग जित्थुआं उसी सस्ता ते बेहतर गुणवत्ता आहला थहोग।
4. विदेश मंत्री डाक्टर एस. जयशंकर हो'रें नमीं दिल्ली च ब्रिक्स-2026 दा शण्पाएं ताबकख-बकख मुख्यें दा प्रतिनिधियें कन्नै गल्लबात कीती।
5. आई.सी.सी. मर्दे दे टी-20 विश्व कप च दक्खन अफ्रीका दा मुकाबला अज्ज अफगानिस्तान कन्नै होग। एह मैच अहमदाबाद दे नरेन्द्र मोदी स्टेडियम च खेडेया जाहग।

<><><><><><>

Budget Session Parl

लोक सभा ते राज्यसभा च केन्द्रीय बजट 2026-27 पर चर्चा परतिए शुरु होग। चर्चा च हिस्सा लैन्दे होई शिवसेना सदस्य मिलिंद देवरा हो'रें आक्खेआ जे बेहद राजनीतिक ते आर्थिक उथल-पुथल भरे दौर च भारत आर्थिक विकास ते स्थिरता दे मामले च इक विशिष्ट मिसाल ऐ। डी.एम.के पार्टी दी कनिमोई नै बजट गी गरीब-विरोधी दस्दे होई आक्खेआ जे एह देशै दी आर्थिक असलियतें थवा दूर ऐ।

भाजपा दे सुरेंद्र सिंह नागर होरें आक्खेआ जे बजट च आर्थिक विकास बदाने, जनता दी आसं-तागें गी पूरी करने ते सामाजिक क्षेत्र दी सारी योजनाएं गी जनता तकर पजाने गी तरजीह दिती गई ऐ।। इस दौरान लोकसभा च बी केंद्रीय बजट 2026-27 पर चर्चा शुरू होई। कांग्रेस सांसद शशि थरूर होरें चर्चा दी शुरुआत करदे होई आक्खेआ जे सरकारी खर्च च कटौती कीती गई ऐ ते कर संग्रह स्थिर रखेआ गया ऐ। उ'नें आक्खेआ इस बजट च कॉरपोरेट्स दी तुलना च व्यक्तिगत करदाताएं मता बोझ पाया गया ऐ। केंद्रीय संसदीय कार्यमंत्री किरें रिजिजू होरें विपक्षी सदस्यें सोयां सदन दी कार्यवाई चलन देने दा आग्रह कीता। उ'नें आक्खेआ जे शोरशराबे करी संसद दा कीमती समय बर्बाद होआ'रदा ऐ। उ'नें आरोप लाया जे विपक्षी सदस्य सोच-समझ करिए कार्यवाई च बाधा पा'रदे न। श्री रिजिजू होरें विरोध प्रदर्शन करा'रदे सांसदें सोयां सदन दी गरीमा बनाई रखने ते बजट पर चर्चा कराए जाने दी अपील कीती।

<><><><><><>

Birla No Confidence

लोकसभा अध्यक्ष ओम बिरला होरें नैतिक आधार पर एह फैसला लैता ऐ जे ओह विपक्ष आस्सेया उन्दे खिलाफ आने गेदे अविश्वास प्रस्ताव पर फैसला होने तगर सदन दी कारवाई च शामिल नैई होगंन।

<><><><><><>

Birla No Confidence Motion

लोकसभा च विपक्ष नै अध्यक्ष ओम बिरला हुन्दे खिलाफ अविश्वास प्रस्ताव दा नोटिस दिता ऐ। लोकसभा सूत्रे मूजब, विपक्ष नै एह नोटिस लोकसभा दे महासचिव हो'रें गी सोंपेआ ऐ। सूत्रे दस्सेआ जे नोटिस दी जांच कीती जाग ते नियमें मूजब अग्गे दी कार्रवाई कीती जाग। कांग्रेस, डी.एम.के, समाजवादी पार्टी, आर.जे.डी ते वामपंथी दलें सनें विपक्षी दलें महासचिव हो'रें गी सोंपे गेदे नोटिस पर दस्तखत कीते । जिसलै कि तृणमूल कांग्रेस नै इस पर दस्तखत नेंई कीते न।

<><><><><><>

India Oil

सरकारै आखेया ऐ जे भारत उ'नें मुख्यें थमां कच्चे तेल दा आयात जारी रक्खोग- जित्थुआं ए सस्ता ते बेहतर गुणवत्ता आला थ्होग। भारतीय तेल कम्पनियां भू- राजनीतिक स्थिति ते प्रतिबंधित नेंई कीते गेदे स्रोतें गी ध्यानै च रक्खदे होई तेल दी खरीददारी करोग। विदेश मंत्रालय ते वाणिज्य मंत्रालय दे उच्च अधिकारियें कल कांग्रेस नेता शशी थरुर हुं'दी अध्यक्षता आली संसदीय विदेश मामलें दी स्थाई समीति गी ए जानकारी दिती। थरुर हो'रें पत्रकारें गी दस्सेया जे बैठक च 30 सदस्यें चा 28 सदस्य मौजूद हे। थरुर हो'रें आखेया जे बैठक दा मता समां भारत-अमरीका बपार समझौते ते भारत-यूरोप संघ मुक्त बपार समझौते पर केन्द्रीत रेहा ते रुसी तेल सनें राई-बाई उत्पादें दे इलावा हो'रें विशे पर बी चर्चा होई। उ'नें आखेया जे अधिकारियें हर-इक सोआल दा व्यापक जवाब दिता।

<><><><><><>

Cyber Enabled Frauds

गृह मंत्री अमित शाह हो'रें कल नमी दिल्ली च साइबर धोखाधड़ी कन्नै निबडने ते इसदे पारिस्थितिकी तंत्र गी तबाह करने पर आयोजित राष्ट्रीय सम्मेलन दा उद्घाटन कीता। इस मौके पर शाह हो'रें आक्खेआ जे साइबर सुरक्षा हुन देशै दी सुरक्षा कन्नै जुड़ी दी ऐ। उ'नें सी.बी.आई ते भारतीय साइबर अपराध समन्वय केन्द्र गी राष्ट्रीय जांच अजेन्सी, प्रवर्तन निदेशालय ते बैंक कन्ने इक साँझा सरिस्ता त्यार करने लेई गलाया- तां'जे उच्च सतह दा सुरक्षित माहौल ते तरीकाकार बनी सकै। उ'नें आक्खेआ जे सरकार नै देशै च साइबर अपराध गी खत्म करने आस्तै केई पैहलकदमियां शुरू कीतियां न। शाह हो'रें आक्खेआ जे भारतीय साइबर अपराध समन्वय केंद्र - साइबर अपराध खिलाफ इक महत्वपूर्ण मंच बनी गया ऐ। उ'नें देशवासियें बशकार साइबर सुरक्षा दे बारे च मती जागरूकता फैलाने दी जरूरता पर जोर दिता। गृह मंत्री हो'रें केन्द्रीय अन्वेषण ब्यूरो-सी.बी.आई दी नमी साइबर अपराध शाखा दा बी उद्घाटन कीता ते गृह मंत्रालय दे राज्य साइबर अपराध समन्वय केंद्र डैशबोर्ड दी बी शुरुआत कीती। इस सम्मेलन दा मुख मकसद भारत च साइबर-आधारित धोखाधड़ी दे पैमाने, रुझानें ते बदलदे स्वरूप दे बारे च साँझा जानकारी विकसित करना ऐ। दो-दिन दा एह सम्मेलन केन्द्रीय अन्वेषण ब्यूरो नै गृह मंत्रालय दे भारतीय साइबर अपराध समन्वय केंद्र दे सहयोग कन्नै आयोजित कीता ऐ।

<><><><><><>

EAM Brics

विदेश मंत्री डाक्टर एस. जयशंकर होरें कल ब्रिक्स 2026 दे शेरपाएं ते बक्ख-बक्ख मुखें दे प्रतिनिधियें कन्नै गल्लबात कीती। सोशल मीडिया पर अपनी इक पोस्ट च विदेशमंत्री होरें आखेया जे ब्रिक्स दे 20 बरे पूरे होने पर एह संगठन अंतराष्ट्रीय सहयोग- सलाह मशवरें- मार्ग दर्शन ते तालमेल बनाने गितै इक महत्वपूर्ण मंच बनियै उभरेया ऐ ते अपने उस एजेंडें गी अगड़े बधा करदा ऐ- जेहड़ा पूरी चाल्ली आम लोकें दी भलाई-बेहतरी पर केन्द्रित ऐ। डाक्टर जयशंकर होरें अगगे आखेया जे ओह बक्ख-बक्ख प्रतिनिधिमंडलै आसेया दिते गेदे सुझाएं ते विचारें गी महत्व दिंदे न- जेहड़े ब्रिक्स गी नवाचार- लचीलेपन ते समग्र विकास दी बतै पर तेजिया कन्नै अगड़े लेई जाने लेई मते कारी दे साबत होई सकदे न।



Macron Visit

फ्रांस दे राष्ट्रपति इमैनुअल मैक्रां 17 फरवरी थमां व्रंऊ दिनें लेई भारत दौरै पर आवा करदे न। ओ 19 फरवरी गी नमीं दिल्ली च लग्गने आहले “AI IMPACT” नां दे शिखर सम्मेलन च शामिल होगंन। विदेश मंत्रालय नै इस बारे जानकारी सांझी करदे होई दस्सेया जे इस दौरान मैक्रां होर प्रधानमंत्री नरेन्द्र मोदी हुं'दे कन्नै Horizon-2047 दी रुपरेखा च शामिल बक्ख-बक्ख क्षेत्रें च सहयोग सनें आपसी हितें दे छेत्रीय ते कुल संसारिक मुद्दें पर बी चर्चा करगंन। प्रधानमंत्री नरेन्द्र मोदी ते राष्ट्रपति मैक्रां हिंद प्रशांत क्षेत्र च सहयोग सनें दौने

मुख्यं दे सांझे हितें सरबन्धि बक्ख-बक्ख मुद्दें ते विषयें पर बी तफसीली गल्लबात करगंन।

<><><><><><>

US Trade Representative India

अमरीका दे बपार प्रतिनिधि राजदूत जैमीसन ग्रीर होरें भारत गी अमरीका दी कंपनियें आस्तै चीन सोयां बेहतर ते इक बेहतर विकल्प दस्सेआ ऐ। भारत-अमरीका अंतरिम व्यापार समझौते पर मेद जाहिर करदे होई, ग्रीर होरें आक्खेआ जे भारत इसदे आस्तै प्रतिबद्ध ऐ ते अमरीका नै बी बपार आस्तै अपनी किश प्रतिबद्धताएं दा विस्तार करना शुरू करी दिता ऐ। उ'नें आक्खेआ जे पैहले सोयां गै किश डिजिटल सेवा करें गी वापस लेई लैता गया ऐ, जिस करी दवै मुख्य प्रभावित हे। ग्रीर होरें आक्खेआ जे एह इक बड़ा गै महत्वपूर्ण समझौता होने जा'रदा ऐ ते इसदा असर औने आहले केंई बरें तगर महसूस कीता जाग।

<><><><><><>

India UK Ireland

भारत नै ब्रिटेन ते उत्तरी आयरलैंड कन्ने सामाजिक सुरक्षा अंशदान कन्ने सरबन्धित इक सामाजिक सुरक्षा समझौते पर दस्तखत कीते न। विदेश सचिव विक्रम मिसरी ते भारत च ब्रिटिश उच्चायुक्त लिंडी कैमरन होरें कल नमी दिल्ली च इस समझौते पर दस्तखत कीते। मंत्रालय नै आक्खेआ जे इसदा मकसद दौनें मुख्यें दे उ'नें कर्मचारियें गी दोहरे सामाजिक सुरक्षा अंशदान सोयां बचना ऐ जेडे इक-दूऐ दे क्षेत्रें च 36 महीने तक दी अस्थायी नियुक्ति पर न।

मंत्रालय नै आक्खेआ जे एह समझौता अल्पकालिक विदेशी नियुक्तियें पर कर्मचारियों दी गतिशीलता ते लगातार सामाजिक सुरक्षा कवरेज गी यकीनी करोग। मंत्रालय नै दस्सेआ जे एह समझौता ब्रिटेन दे कन्नै भारत दे व्यापार समझौते दा हिस्सा ऐ ते व्यापक आर्थिक व्यापार समझौते दे कन्नै गै अमल च होग।

<><><><><><>

Defence Draft

रक्षा विभाग नै रक्षा खरीद प्रतिक्रिया 2026 जिसे D.A.P दे नां कन्नै जान्नेया जंदा ऐ दा मसौदा तयार करी लैता ऐ। मंत्रालय दा आक्खना ऐ जे एह मसौदा रक्षा उत्पादन गी बधाने दे कन्नो-कन्नी खरीद दी रफतार गी होर तेज करोग ते देसै च रक्षा तंत्र दे विकास गी बी बढ़ावा देग। प्रस्तावित मसौदे दा लक्ष रक्षा उत्पादन बधाने ते खरीद दे कम्मै च तेजी आहन्ना ऐ। मंत्रालय नै आखेया ऐ जे एह मसौदा रक्षा दे क्षेत्र च विनिर्माण ते निर्यात गी बी बढ़ावा देग ते कन्नै गै आयात गी छड़ा घरेलू सतह पर नां-दस्तयाब ते महत्वपूर्ण उपकरणें तगर गै महदूद रखोग। एहदा मकसद राष्ट्र दी सुरक्षा ते तकनीकी विकास गी विकसित भारत 2047 लेई इक निगगर ते स्पष्ट रूपरेखा तयार करना ऐ।

<><><><><><>

Cricket

आई.सी.सी मर्दे दे टी-20 विश्व कप च दक्षिण अफ्रीका दा सामना अफगानिस्तान कन्नै अहमदाबाद दे नरेंद्र मोदी स्टेडियम च बडलै 11 बजे होग।

तोआई, कोलंबो दे आर. प्रेमदासा स्टेडियम च ऑस्ट्रेलिया दा मुकाबला आयरलैंड कन्नै दपैहरि 3 बजे होग। संजा 7 बजे मुंबई दे वानखेड़े स्टेडियम च इंग्लैंड ते वेस्टइंडीज आमने- सामने हौंडन।

<><><><><><>

NITI Aayog

नीति आयोग नै कल नमीं दिल्ली च विकसित भारत ते नेट जीरो दे सरबंधे च 4 अध्ययन रपोटां जारी कीतियां- जिंदे च बिजली-ट्रांसपोर्ट- उद्योग ते महत्वपूर्ण खनिजे दी मंग ते सप्लाई दे आंकलन पर केन्द्रित क्षेत्रीय ब्योरा ते जायजा शामिल ऐ। इस मौके पर नीति आयोग दे मुख कार्जकारी अधिकारी बी.वी.आर सुब्राह्मण्यम होरें भारत दे नेट जीरो लक्ष्ये गी हासल करने लेई इक लम्मी अवधि ते तालमेल आहली रणनीति दी जरुरतै पर जोर दिता। उनें आखेया जे आर्थिक विकास ते पर्यावरण पर आधारित स्थिरता मझाटै संतुलन बनाई रक्खने लेई स्पष्ट नीति निर्माण ते इलाकाई विशिष्ठता योजना बड़ी जरुरी ऐ। सुब्राह्मण्यम होरें आखेया जे 2070 च बी उद्योगे दी लगभग चौथा हिस्सा खपत जीवश्म ईंधन रां गै पूरा होग ते इसी Carbon Capture ते होरनें तकनीकिं रां गै काबू कीता जाहग। इस मौके पर बिजली मंत्रालय दे सचिव पंकज अग्रवाल होरें आखेया जे भारत दे ऊर्जा परिवर्तन च बिजली क्षेत्र दी प्रमुख भूमिका रौहग। उनें गी बिजली ग्रिडे गी एकीकृत करने ते निग्गर बनाने दी योजना रां भरोसेमंद- सस्ती ते स्वच्छ बिजली दी जरुरतै पर जोर दिता।

<><><><><><>